

REGLUGERÐ

um gjald af umboðspóknun í gjaldeyrisviðskiptum.

1. gr.

Lánastofnanir og aðrir aðilar sem versla með erlendan gjaldeyri skulu frá og með 1. janúar 1993 greiða ríkissjóði 45% af þóknun þeirri er þeir taka af viðskiptamönnum sínum fyrir þjónustu við yfirfærslu fjár til útlanda eða aðrar greiðslur erlendis. Þetta gildir jafnt um hvers konar ábyrgðarlaun, innheimtulaun og allar aðrar greiðslur, hverju nafni sem nefnast, fyrir þjónustu þá sem hér um ræðir.

2. gr.

Frá og með 1. janúar 1994 skal gjald skv. 1. gr. vera 30% og frá og með 1. janúar 1995 og til og með 31. desember 1995 skal gjaldið vera 15%.

3. gr.

Seðlabanki Íslands hefur eftirlit með því að gjaldskyldir aðilar skv. 1. gr. inni gjaldið af hendi svo sem mælt er fyrir um í reglugerð þessari.

4. gr.

Gjaldskyldir aðilar skv. 1. gr. skulu mánaðarlega gera skil á gjaldi skv. 1. gr. til Seðlabanka Íslands, sem gerir skil á innheimtu gjaldi til ríkissjóðs. Greiðslu skal fylgja skilagrein þar sem fram kemur nafn gjaldanda og kenntala, fjárhæð gjaldstofns og fjárhæð gjalds.

Greiðslutímabil gjalds skv. 1. gr. er almanaksmánuður. Gjaldldagi gjaldsins er 15. hvers mánaðar vegna viðskipta næstliðins mánaðar.

5. gr.

Reglugerð þessi, sem sett er samkvæmt heimild í 73. gr. laga nr. 111/1992, öðlast þegar gildi og kemur til framkvæmda 1. janúar 1993.

Fjármálaráðuneytið, 29. desember 1992.

F. h. r.

Indriði H. Þorláksson.

Bragi Gunnarsson.

REGLUGERÐ

um frjálsa skráningu vegna fólksflutninga á milli landa.

1. gr.

Aðili sem í atvinnuskyni hefur með höndum fólksflutninga milli landa getur sótt um frjálsa skráningu til skattstjóra. Heimild til skráningar samkvæmt reglugerð þessari nær til flugfélaga og skipafélaga í reglulegum ferðum á milli landa.

2. gr.

Aðili sem fær heimild til frjálsrar skráningar skal ekki innheimta útskatt af fargjöldum vegna fólksflutninga á milli landa.

3. gr.

Aðili sem skráður er frjálsri skráningu skv. 1. gr. getur samkvæmt almennum ákvæðum laga nr. 50/1988 og reglugerða, sem settar eru samkvæmt þeim, talið til innskatts þann virðisaukaskatt sem eftir skráninguna fellur á kaup hans á vörum og þjónustu er varða umrædda starfsemi.

4. gr.

Umsóknir um frjálsa skráningu skal senda skattstjóra í því skattumdæmi þar sem aðili er heimilisfastur.

5. gr.

Brot gegn ákvæðum reglugerðar þessarar varða refsingu skv. 40 gr. laga nr. 50/1988, um virðisaukaskatt.

6. gr.

Reglugerð þessi er sett með stöð í 6. gr. laga nr. 50/1988, um virðisaukaskatt, og gildir frá 1. janúar 1992.

Fjármálaráðuneytið, 29. desember 1992.

F. h. r.

Indriði H. Þorláksson.

Jón H. Steingrímsson.

REGLUGERÐ

um innflutningsgjald af bensíni og sérstakt bensíngjald til ríkissjóðs.

1. gr.

Greiða skal sérstakt innflutningsgjald - bensíngjald - af bensíni. Af bensíni sem fellur undir tollskrárnúmer 2710.0012 skal greiða gjald sem nemur 22,40 kr. af hverjum lítra. Af bensíni sem fellur undir tollskrárnúmer 2710.0019 skal greiða gjald sem nemur 23,80 kr. af hverjum lítra.

2. gr.

Greiða skal í ríkissjóð sérstakt bensíngjald af innflutningi á bensíni. Frá og með 1. janúar 1993 skal gjald þetta nema kr. 4,50 af hverjum lítra.

3. gr.

Gjöld skv. 1. og 2. gr. taka einnig til bensínbirgða sem til eru í landinu hinn 1. janúar 1993 hafi ekki verið greitt af þeim gjald skv. reglugerð nr. 257/1989 um bensíngjald með síðari breytingum.

Endurprentað blað.